



Page: 8

Reach: 0

Country: BOSNIA AND HERZEGOVINA

Size: 124 cm2

1 / 1

Uhapšeno pet osoba zbog poreske utaje

Na širem području Sarajeva, jučer rano ujutro policijski službenici Državne agencije za istrage i zaštitu (SIPA) započeli su akciju Rebus u kojoj je slobode lišeno pet osoba zbog postojanja osnova sumnje da su počinile krivično djelo organizirani kriminal, a u vezi sa krivičnim djelima poreska utaja, krivotvorenje ili uništenje poslovnih ili trgovačkih knjiga ili isprava, podnošenje lažne poreske prijave i pranje novca. Kako je saopšteno iz SIPA,

slobode su lišeni Adnan Mrkva (1971), Amel Ćapin (1972), Ermin Špilje (1985), Adis Biberović (1984) i Arif Malići (1969). Sumnjiče se da su počinili pomenuta krivična djela obavljajući različite dužnosti i poslove u privrednim društvima Mrkva Group d.o.o. Sarajevo i Mrkva d.o.o. Sarajevo. Sumnja se da je nezakonitim aktivnostima osumnjičenih budžet FBiH oštećen za više miliona KM.

Prema posljednjim informacijama, osobe još nisu predate na dalje postupanje Kantonalnom tužilaštvu u Sarajevu.

Tokom akcije, jučer su pretreseni stambeni i poslovni objekti na 14 lokacija, s ciljem pronalazaženja i privremenog oduzimanja predmeta koji mogu poslužiti kao dokaz u daljem postupku.

Akcija hapšenja realizovana je po naredbama Kantonalnog suda u Sarajevu i Kantonalnog tužilaštva Sarajevo, a rezultat su višemjesečne istrage. Policijski službenici SIPA ostvarili su blisku saradnju sa službenicima Porezne uprave Federacije BiH, a jučerašnje aktivnosti provedene su u saradnji sa policijskim službenicima MUP-a Kantona Sarajevo.

E. G.